



Bosnia and Herzegovina
Federation of Bosnia and Herzegovina
CANTON SARAJEVO
Ministry for Science, Higher Education and Youth

Broj: 27-11-11062/25
Sarajevo, 07.04.2025. godine

Na osnovu člana 10a, stav 1, tačka d) podtačka 3) i člana 18. stav (2) Zakona o javnim nabavkama BiH („Službeni glasnik BiH”, broj: 39/14, 59/22 i 50/24) – u daljem tekstu: Zakon i člana 70. Zakona o organizaciji organa uprave u FBiH („Službene novine FBiH”, broj: 35/05), ministrica Ministarstva za nauku, visoko obrazovanje i mlade Kantona Sarajevo d o n o s i:

ODLUKU

o izuzeću primjene Zakona o javnim nabavkama BiH

Član 1.

Od primjene Zakona o javnim nabavkama izuzimaju se **usluge pravnog savjetovanja i zastupanja (advokatske i notarske usluge)** za potrebe Ministarstva za nauku, visoko obrazovanje i mlade Kantona Sarajevo.

Član 2.

Pravni osnov za primjenu izuzeća je član 10a, stav 1, tačka d), podtačka 3) Zakona o javnim nabavkama BiH („Službeni glasnik BiH”, broj: 39/14, 59/22 i 50/24).

Jedinstveni rječnik javne nabavke: 79110000-8 (usluge pravnog savjetovanja i zastupanja).

Član 3.

Procijenjena vrijednost troškova usluge iz člana 2. ove Odluke bez PDV-a na godišnjem nivou iznosi 10.000,00 KM.

Sredstva za realizaciju navedene javne nabavke su obezbijeđena iz Budžeta Kantona Sarajevo za 2025. godinu, Ekonomski kod 613900 QAK002 - Ostale ugovorene usluge

Član 4.

Plaćanje advokatskih i notarskih usluga će se vršiti odmah po izvršenju usluge i prijemu fakture.

Član 5.

Ova Odluka stupa na snagu danom donošenja i ista će biti objavljena na web stranici Ministarstva.

Obrazloženje

Pravni osnov za donošenje ove odluke je sadržan u članu 10a, stav 1, tačka d), podtačka 3) Zakona o javnim nabavkama BiH („Službeni glasnik BiH“, broj: 39/14, 59/22 i 50/24) kojim je propisano izuzeće od primjene odredaba navedenog Zakona, u dijelu koji se odnosi na usluge pravnog savjetovanja.

Članom 10a. tačka d) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na ugovor o javnoj nabavci usluga za:

d) pravne usluge;

1) usluge pravnog zastupanja stranaka od strane advokata u arbitraži ili mirenju u Bosni i Hercegovini i drugoj zemlji ili pred međunarodnom instancom arbitraže ili mirenja;

2) usluge pravnog zastupanja stranaka od strane advokata u postupku pred sudovima ili organima uprave u Bosni i Hercegovini ili drugoj zemlji ili pred međunarodnim sudovima ili institucijama;

3) usluge pravnog savjetovanja koje advokat pruža tokom pripreme bilo kojeg od postupaka iz tačke a) i b) ovoga stava ili ako postoji konkretna naznaka i velika vjerovatnost da će pravna stvar na koju se savjet odnosi postati predmet takvih postupaka;

4) usluge ovjeravanja i potvrđivanja dokumenata koje pružaju notari;

5) pravne usluge koje pružaju skrbnici ili zakonski zastupnici maloljetnika ili druge pravne usluge čije je pružatelje imenovao nadležni sud u Bosni i Hercegovini ili su određeni zakonom za izvođenje određenih zadataka pod nadzorom tih sudova;

6) druge pravne usluge koje su u Bosni i Hercegovini povezane, čak i povremeno, s izvršavanjem službenih ovlaštenja.“

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Pri donošenju ove Odluke, ministrica Ministarstva za nauku, visoko obrazovanje i mlade Kantona Sarajevo, se posebno rukovodila činjenicom da postoje pravni osnovi za izuzeće od primjene Zakona o javnim nabavkama BiH, kao i da su usluge pravnog savjetovanja (usluge advokata i notara) potrebne zbog složenih sudskih predmeta i upravnih sporova, te da su budžetom za 2025. godinu osigurana sredstva za plaćanje navedenih usluga. Izbor advokata i notara će se izvršiti na transparentan način. Plaćanje usluga advokata i notara, će biti izvršeno odmah po izvršenju usluge i prijemu fakture.

Na osnovu naprijed navedenog, odlučeno je kao u članu 1. ove Odluke.

MINISTARICA
Prof. dr. Adna Mesihović

Dostaviti:

- Sektor za finansijsko-računovodstvene poslove - ovdje,
- a/a.

